



### **Bandu púbbricu po s'isceberu de is relevadoris Istat**

Seletzioni púbbrica po duus postus de relevadori po fai su censimentu, de su Mesi de Ladàmini de su 2024 a su mesi de Gennarxu 2025

Su Comunu de Gésturi fait isciri a totus is tzitadinas e tzitadinus ca at púbbricau su bandu po isceberai duus relevadoris po fai s'ispriculadura e su censimentu Istat chi pertocat is famíllias e is domus de su territóriu de Gésturi.

S'ispriculadura at a pertocai unu campioni de famíllias isceberadas de su Registru Basi de is persunis (Registro Basi degli Individui RBI) e de is domus in soru e s'at a fai de su 7 de su mesi de Ladàmini 2024 e fintzas a su 13 de Gennarxu 2025.

Podint partetzipai totus is chi:

- tenint prus de 18 annus;
- tenint su diploma de iscola secundària o títulu oguali;
- isciint umperai su computadori e su tablet e tenint conoscéntzias informàticas, de ínternet e posta eletrónica;
- tenint giai esperiéntzia de ispriculadura e intervistas;
- connoscint beni sa língua italiana, fueddada e iscrita;
- tenint is deretus políticus e no funt mai istétius cundennaus;
- tenint sa tzitadinàntzia italiana o europea o su permissu de ddoi abbitai.

Si incapitat chi mancuna de is domandas intregadas tenit su piessignu de s'esperientzia, ant a èssiri pigadas in cunsideru totus is chi s'ant a arriciri.

Is relevadoris, candu faint su servítziu de regorta de is datus, funt autónomus e líbberus de isceberai s'oràriu de trabballu, respetendi is inditus de su responsàbbili de s'Uffitziu Censimentu de su Comunu, e atzetant su tanti chi ddis pagat s'ISTAT.

Sa domanda tocat a dda intregai cun su módulu acapiu a su Bandu chi s'agatat in su situ de su Comunu de Gésturi intru sa 1 de a merí de su 6 de su mesi de Làmpadas 2024:

- a manu a s'Uffitziu Protocollo de su Comunu de Gésturi, bia Natzionali n. 36;
- cun sa PEC (Posta Eletrónica Certificada) a s'indiritzu [protocollo.gesturi@pec.comunas.it](mailto:protocollo.gesturi@pec.comunas.it).

Is chi faint sa domanda, impari a su módulu depint intregai sa cópia de sa Carta de Identidadi.

Sa domanda imbiada cun sa PEC si podit firmari cun sa firma digitala.

Po pediri informatzionis podeis iscriri a s'indiritzu de posta eletrónica:

- [demografici@comune.gesturi.vs.it](mailto:demografici@comune.gesturi.vs.it)

Agatais su bandu intreu e is módulus in su situ de su Comunu de Gésturi:

- <https://www.comune.gesturi.su.it/novita/bando-di-selezione-pubblica-per-soli-titoli-per-la-formazione-di-una-graduatoria-per-il-censimento-permanente-della-popolazione-e-delle-abitazioni-2024-per-lassegnazione-di-n-2-incarichi/>

\*\*\*

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.